

玉函山房輯佚書

玉函山房輯佚書目

經編周官禮類

周禮鄭大夫解詁一卷

漢鄭興

周禮鄭司農解詁六卷

漢鄭眾

周禮杜氏注二卷

漢杜子春

周禮賈氏解詁一卷

漢賈逵

周官傳一卷

漢馬融

周禮鄭氏音一卷

漢鄭元

周禮王氏注一卷

魏王肅

周禮干氏注一卷

晉干寶

周禮徐氏音一卷

晉徐邈

周禮李氏音一卷

晉李軌

周禮聶氏音一卷

周官禮義疏一卷

後周沈重

周禮劉氏音二卷

劉昌宗

周禮戚氏音一卷

陳戚衮

周禮鄭司農解詁卷五

秋官司寇第五

士師下大夫四人鄉士上士八人中士十有六人

論語曰柳下惠爲士師鄉士主六鄉之獄

鄭注

司圜中士六人下士十有二人府三人史六人胥十有六人徒百有六十人

圜謂圜土也圜土謂獄城也今獄城圜司圜職中言凡圜土之刑人也以此知圜謂圜土也又大司寇職曰以圜土聚教罷民故司圜職曰掌收教罷

民

鄭注文選江文通詣建平王上書注引圜土獄城也句

萍氏下士二人徒八人

萍讀爲蜚或爲萍號起雨之萍

鄭注

司垣氏

鄭注故書煨爲垣

垣當爲烜

冥氏

冥讀爲冥氏春秋之冥

翬氏

翬讀爲翹翼之翹

柞氏

柞讀爲音聲喈喈之喈屋竿之竿

夷氏

鄭注書薙
或作夷

掌殺草故春秋傳曰如農夫之務去草芟夷蘊崇
之又今俗間謂麥下爲夷下言芟夷其麥以其下
種禾豆也

蓍蕨氏

蓍讀爲擿蕨讀爲爵蕨之蕨謂巢也

蝓氏

蠲讀爲蜮蜮蝦蟇也月令曰蜮蜮鳴故曰掌去蜮

鼃鼃蝦蟇屬書或爲掌去蝦蟇

壺獨氏

鄭注故書
涿爲獨

獨讀爲濁其源之濁音與涿相近書亦或爲濁

掌訝

訝讀爲跛者訝跛者之訝

並同上

大司寇

凡庶民之獄訟以邦成懲之

鄭注故書
樊爲懲

懲當作樊邦成謂若今時決事比也樊之斷其獄

訟也故春秋傳曰弊獄邢侯

鄭注

大軍旅涖戮于社

書曰用命賞于祖不用命戮于社

同上

小司寇

以致萬民而詢焉

致萬民聚萬民也詢謀也詩曰詢于芻蕘書曰謀

及庶人

鄭注

讀書則用灋

如今時讀鞫已乃論之

凡王之同族有罪不卽市

刑諸甸師氏禮記曰刑于隱者不與國人慮兄弟
一曰議親之辟

若今時宗室有罪先請是也

二曰議故之辟

故舊不遺則民不偷

三曰議賢之辟

若今時廉吏有罪先請是也

六曰議貴之辟

若今時吏墨綬有罪先請是也

大賓客前王而辟

小司寇爲王道辟除姦人也若今時執金吾下至

令尉奉引矣

並同上

士師

掌土之八成

八成者行事有八篇若今時決事比

鄭注

一曰邦汭

汭讀如酌酒尊中之酌國汭者斟酌盜取國家密

事若今時刺探尙書事

七日爲邦備

鄭注故書朋作備

備讀如朋友之朋

若邦凶荒則以荒辯之灋治之

辯讀爲風別之別救荒之政十有二而士師別受其教條是爲荒別之灋

凡以財獄訟者正之以傳辯約劑

鄭注故書別爲辯

傳或爲符辯讀爲風別之別若今時市買爲券書

以別之各得其一訟則案以券正之

並同上

邢士

掌國中

謂國中至百里郊也

鄭注

獄訟成士師受中協日刑殺肆之三日

士師受中若今二千石受其獄也中者刑罰之中

也故論語曰刑罰不中則民無所措手足協日刑

殺協合也和也和合支幹善日若今時望後利日

也肆之三日故春秋傳曰三日棄疾請尸論語曰

肆諸市朝

三公若有邦事則爲之前驅而辟

鄉士爲三公道也若今時三公出城郡督郵盜賊

道也

並同上

遂士

掌四郊

謂百里外至三百里也

鄭注

縣士

掌野

掌三百里至四百里大夫所食晉韓須爲公族大

夫食縣

鄭注

方士

掌都家

掌四百里至五百里公所食魯季氏食於都

鄭注

司寇聽其成于朝羣士司刑皆在

春秋傳曰晉邢侯與雍子爭鄙田久而無成

同上

訝士

掌四方之獄訟

四方諸侯之獄訟

鄭注

朝士

掌建邦外朝之灋左九棘孤卿大夫位焉羣士在其後右九棘公侯伯子男位焉羣吏在其後面三槐三公位焉州長衆庶在其後

王有五門外曰臯門二曰雉門三曰庫門四曰應門五曰路門路門一名畢門外朝在路門外內朝在路門內左九棘右九棘故易曰係用徽纆寘于

叢棘

鄭注

凡得獲貨賄人民六畜者委于朝告于士旬而舉之

大者公之小者庶民私之

若今時得遺物及放失六畜持諸鄉亭縣廷大者公之大物沒入公家也小者私之小物自界也期內之治聽期外不聽

謂在期內者聽期外者不聽若今時徒論決滿一月不得乞鞠

凡有責者有辨書以治則聽

鄭注故書判爲辨

謂若今時辭訟有券書者爲治之辨讀爲別謂別券也

凡民同貨財者令以國瀾行之犯令者刑罰之

同貨財者謂合錢共賈者也以國瀾行之司市爲節以遺之

凡屬責者以其地傳而聽其辭

謂訟地畔界者田地町畔相比屬故謂之屬責以地傳而聽其辭以其比畔爲證也

凡盜賊軍鄉邑及家人殺之無罪

謂盜賊羣輩若軍共攻盜鄉邑及家人者殺之無罪若今時無故入人室宅廬舍上人車船牽引人